



QHIA COV XOV XWM

Phau 6, Tsab 1, Peb Hlis Ntuj Xyoo 2012

Tsab ntawv xov xwm no yog rau cov neeg zov me nyuam hauv Wisconsin Txoj Kev Pab Nqi Zov Me Nyuam (Shares Child Care Subsidy Program), ib txoj kev pab them rau cov tsev neeg txom nyem cov nqi zov me nyuam thaum lawv mus koom cov koy kawm uas muaj foam xylam prog cov tsai dai nuj

- Kev Ceeb Toom Npe Zov – Cov Hom Ceeb Toom Txhua Hnub thiab Tuaj/Tawm
- Rov Qhia Kom Nco Txog Kev Siv Cov Sij Hawm Tsev Kawm Ntawv Kaw
- Kev Hloov rau Cov Ntawv Tso Kev Zov Me Nyuam Raws Txheeb Npe Zov ntawm Cov Neeg Muaj Ntawv Tso Cai Zov Me Nyuam

Cov Hom Kev Ceeb Toom Npe Zov: Txhua Hnub thiab Tuaj/Tawm

Tsab ntawv xov xwm dhau "Qhia Cov Xov Xwm," peb sau txog Kev Ceeb Toom Npe Zov 101 thiab sau txog ob hom kev ceeb toom npe zov tshiab: cov txhua hnub thiab tuaj/tawm. Tsab ntawv xov xwm no yuav sau txog cov hom kev ceeb toom npe zov no. Txoj kev koom ua ib tug neeg zov me nyuam nyob rau hauv Wisconsin txoj kev pab nqi zov me nyuam Wisconsin Shares yog yuav tsum ceeb toom cov npe me nyuam uas tau zov kom muaj tseeb, tsis hais koj yuav siv hom kev ceeb toom npe zov twg li. Cov koom haum hauv zos xaiv cov hom kev ceeb toom npe zov rau cov neeg zov me nyuam. Txawm tias tam sim no koj tsis tau sim hom kev ceeb toom npe zov Txhua Hnub thiab Tuaj/Tawm, koj yuav tau paub txog cov xov xwm no rau yav tom ntej.

Cov Hom Kev Ceeb Toom Npe Zov tshiab yog:

1. Hom Ceeb Toom Txhua Hnub (Daily Mode): Cov neeg zov me nyuam sau cov teev thiab feeb raws nkaus li tau zov ib tug me nyuam twg rau ib hnub twg.
2. Hom Ceeb Toom Tuaj-Tawm (In-Out Mode): Cov neeg zov me nyuam sau cov sij hawm tuaj txog thiab sij hawm tawm mus tsev raws nkaus li muaj rau ib tug me nyuam twg zus.

Yog muab koj hloov mus siv lwm hom kev ceeb toom npe zov, koj yuav tau txais ib tsab ntawv faj seeb luv kawg li ob lub lim tiem ua ntej koj yuav pib siv hom kev ceeb toom npe zov tshiab.

Tsab Ntawv Ceeb Toom Npe Zov (Attendance Report Form) (ARF) rau txhua hom tam sim no muaj cov lus qhia tshiab rau hom kev ceeb toom npe uas koj yuav tau siv. Ob yam hloov tseem ceeb uas yuav tau faj seeb txog:

1. Rau txhua hom kev ceeb toom npe zov, yog tus me nyuam tsis tuaj rau zov los yog lub chaw zov me nyuam kaw lawm, kos "0" rau kem ntawd. Tsis txhob cia qhov chaw tsis sau dab tsi. Yog tsab ntawv ARF sau tsis txhij txhua cov koom haum yuav them nyiaj lig.
2. Rau cov hom kev ceeb toom npe zov Txhua Hnub thiab Tuaj/Tawm, sau tus "S" rau txhua hnub uas yog cov sij hawm tsev kawm ntawv kaw. Cov sij hawm no yuav tsum yog sij hawm kaw raws li tsev kawm ntawv pom zoo. Tej zaum yuav txheeb kom paub tseeb.

Cov ncauj lus no qhia muaj nyob rau nplooj khwb ntawm tsab ntawv ARF tshiab. Nplooj ntawv cog lus, tam sim no nyob rau nplooj 2, puav leej sau muaj cov lus qhia tshiab. Koj yuav tau muab ua tib zoo nyeem ua ntej yuav kos npe rau.

Kev Ceeb Toom – Hom Txhua Hnub (Daily Mode)

Cov neeg zov me nyuam uas yuav tau ceeb toom npe zov hom Txhua Hnub yuav tsum tau sau cov teev thiab feeb raws nkaus li tau zov tus me nyuam hauv ib lub lim tiem twg.

- Siv Daim Ntawv Teev Npe Zov Txhua Hnub los ntsuas cov sij hawm zov ib tug me nyuam rau ib hnub twg. Ces muab cov sij hawm sau rau daim ARF raws nkaus li muaj. Tsis txhob kwv yeess. Ntawm no yog qhov qauv qhia rau 1 lub lim tiem:
- Zwj Hli (Mon), Pearl tuaj thaum 7:10 sawv ntxov – 8:08 sawv ntxov thiab thaum 3:05 tav su – 4:42 tsaus ntuj. Cov sij hawm zov yog 2 teev 35 feeb.
 - Zwj Quag (Tue), Pearl tuaj thaum 7:17 sawv ntxov – 8:06 sawv ntxov thiab thaum 3:21 tav su - 5:04 tsaus ntuj. Cov sij hawm zov yog 2 teev 32 feeb.
 - Zwj Feej (Wed), Pearl tuaj thaum 7:20 sawv ntxov – 8:11 sawv ntxov thiab thaum 2:55 tav su – 4:56 tsaus ntuj. Cov sij hawm zov yog 2 teev 52 feeb.

- Zwj Teeb (Thur), Pearl tuaj thaum 7:11 teev sawv ntxov – 8:08 sawv ntxov thiab thaum 3:03 – 4:43 tsaus ntuj. Cov sij hawm zov yog 2 teev 37 feeb.
- Zwj Kuab (Fri), Pearl tsis tuaj rau zov. Yuav tsum sau “0” rau kem no.
- Zwj Cag (Sat) thiab Zwj Hnub (Sun), lub chaw zov me nyuam tsis qhib. Yuav tsum sau “0” rau kem no.

Child's Name		Auth Hours Per Week		Worker	Primary Person's Name		Case Number							
		09/06/2009 to 09/12/2009 Daily Hours of Attendance			09/13/2009 to 09/19/2009 Daily Hours of Attendance									
Sun	Mon	Tue	Wed	Thu	Fri	Sat	Sun	Mon	Tue	Wed	Thu	Fri	Sat	
HARPER, PEARL				15	XYZ987	COOPER, RACHEL							987654321	
Regular	0	2:35	2:32	2:52	2:37	0	0	0	2:31	2:42	2:40	2:52	9:24	0
School Closed													S	

Kev Ceeb Toom – Hom Tuaj/Tawm (In/Out Mode)

Cov neeg zov me nyuam uas yuav tau ceeb toom npe zov raws Hom Tuaj/Tawm yuav tsum qhia cov sij hawm uas txhua tus me nyuam tuaj txog thiab tawm mus tsev txhua hnub hauv lub lim tiam.

- Siv Daim Ntaww Teev Npe Zov Txhua Hnub, muab cov sij hawm tuaj txog/tawm mus tsev rau ib tug me nyuam zus. Xyuas kom koj cim “Sawv Ntxov” los yog “Tsaus Ntuj” rau ntawm txhua cov sij hawm tuaj txog thiab tawm mus tsev.
- Rau hnub Zwj Kuab (Fri) ntawm lub lim tiam 2 ntawm qhov qauv qhia nram no, Pearl tuaj rau zov thawm hnub vim tsev kawm ntawv kaw rau xib fwb sib tham. Yuav tsum siv tus “S” thov cov sij hawm tsev kawm ntawv kaw. Lub koom haum yuav thov kom muaj pov thawj rau tsev kawm ntawv kaw.

Child's Name		Auth Hours Per Week		Worker	Primary Person's Name		Case Number							
		09/06/2009 to 09/12/2009 Daily Hours of Attendance			09/13/2009 to 09/19/2009 Daily Hours of Attendance									
Sun	Mon	Tue	Wed	Thu	Fri	Sat	Sun	Mon	Tue	Wed	Thu	Fri	Sat	
HARPER, PEARL				10	XYZ987	COOPER, RACHEL							9876543210	
In	0	7:10 A	7:17 A	7:20 A	7:11 A	0	0	0	7:16 A	7:10 A	7:08 A	7:19 A	7:09 A	0
Out	0	8:08 A	8:06 A	8:11 A	8:08 A	0	0	0	8:07 A	8:09 A	8:08 A	8:11 A	4:33 P	0
In	0	3:05 P	3:21 P	2:55 P	3:03 P	0	0	0	3:22 P	3:02 P	3:02 P	2:55 P	0	0
Out	0	4:42 P	5:04 P	4:56 P	4:43 P	0	0	0	5:02 P	4:45 P	4:42 P	4:55 P	0	0
Sch Cls													S	

Faj seeb: Cov neeg zov me nyuam uas ceeb toom npe zov ntawm CCPI yuav puav leej ceeb toom Hom Txhua Hnub los yog Tuaj/Tawm. Cov xov xwm rau cov neeg ceeb toom ntawm CCPI muaj nyob rau ntawm
<http://dcf.wisconsin.gov/childcare/ccpi/default.htm>, “Kev Qhia Qauv Ceeb Toom Npe Zov Ntawm CCPI (CCPI Attendance Modes Demonstration).”

Rov Qhia Txog Cov Sij Hawm Tsev Kawm Ntawv Kaw

Cov neeg zov me nyuam yuav tsum nco ntsoov tias lawv suav **tsis tau** cov sij hawm tsev kawm ntawv kaw tshwj tsis yog tag nrho cov sij hawm zov rau lub lim tiam yeej muaj ntaw tshaj li cov sij hawm tso kev rau zov. Qhov no tsis yog ib qho tshab. Nyuam qhuav hloov tshab CCPI kom ua tau raws li txoj cai no. Koj yuav suav tsis tau cov sij hawm ua Cajj Tsev Kawm Ntawv Kaw kom txog thaum twg siv tag nrho cov sij hawm tso kev zov ua ntej.

Kev Hloov rau Cov Ntawv Tso Kev Zov Me Nyuam Raws Txheeb Npe Zov ntawm Cov Neeg Muaj Ntawv Tso Cai Zov Me Nyuam

Cov neeg Muaj Ntawv Tso Cai Zov Me Nyuam Hauv Tsev thiab cov Pab Neeg Muaj Ntawv Tso Cai Zov Me Nyuam yeej tau pom kev hloov ntawm cov ntawv tso kev zov me nyuam raws txheeb npe zov. Tsis ntev los no, cov ntawv tso kev zov me nyuam raws txheeb npe zov 35 rau 50 teev ib lub lim tiam twg yog teev tias zov tau 35 teev. Pib txij li lub Ib Hlis Ntuj, cov ntawv tso kev tam sim no yuav tsum zov raws nkaus li cov sij hawm uas yeej tso kev rau zov. Tam sim no tus neeg zov me nyuam yuav tau daim ntawv tso kev zov ntaw tshaj 35 teev. Yeej tseem xam tias peb caug tsib (35) txog 50 teev yog zov me nyuam thawm hnub thiab yeej tau qhov nyiaj them thawm hnub rho tawm tus nqi them nrog.

Yog koj xav tau cov ncauj lus no ua lwm hom, xav tau nws txhais ua lwm hom lus, los yog muaj lus nug/tswv yim pom zoo txog cov ntsiab lus hauv tsab ntawv xov xwm no, thov sau ntawv xa raws e-mail mus rau ChildCare@Wisconsin.gov los yog hu rau tus thawj tswj xyuas chaw zov me nyuam hauv koj zos los yog Cheeb Nroog Milwaukee tus neeg pab cov neeg zov me nyuam. Muaj lus nug txog pej xeem huab hwm cov cai, hu rau (608) 266-5335 los yog (866) 864-4585 TTY (Xov Tooj Hu Dawb). Cov ntawv xov xwm dhaul los muaj nyob rau ntawm <http://dcf.wisconsin.gov/childcare/wishares/newsletter.htm>.